

POLELO YA PHATLATŠO YA DITABA YA MABAPI LE GO SWARWA GA SEKEPE KE SARS

Tshwane, 20 Setemere 2023 – Ditirelo tša Motšhelo tša Afrika Borwa (SARS) di lemogile pego ya phatlatšo ya ditaba ya la 17 Setemere 2023 ya Sunday Times mabapi le go swarwa ga dikepe tše hlano tšeo di bego di amegile go phepo ya ketwane ya setšhelo sa makhura.

Go tloga ka 2016 SARS e be e amana le intasteri ya makhura go tlhohleletša obamelole molao wa mabapi le tlišogae, papatšo le ditiragalo tše dingwe tša dikepe ka ga phepo ya makhura.

Ka dikamano tše, SARS e be e le gare e dira dinyakišišo tše mabapi le obamelo ya setšhelo sa makhura, gomme ditshwaro tšeo go boletšwego ka tšona ka go phatlatšo ya ditaba ke karolo ya dinyakišišo tšeo di tšwetšwago pele.

SARS e tlišetša gore dikepe tše mmalwa di ile tša tshwarwa go ya ka Molao wa Khasetomo le Motšhelophahlogae, 91 wa 1964. Se se phethagaditšwe ka tsela e tlwaelegilego ya dinyakišišo ge eba dipeelo tša Molao di ile tša latelwa. SARS e holofela gore tshwaro yeo e dirilwego e be e le molaong, bjale ka ge dinyakišišo di sa ntše di tšwelapele, ga go na sephetho seo se tšeerwego mabapi le go swara dikepe tšeo.

Khomišinare wa SARS Edward Kieswetter o boletše gore “SARS e gapeletšega go sepetša molao ka pale, ntle le go fiega, kgaogelo le kgethollo gape go sepetša dinyakišišo ka tsela ya maikarabelo go ya ka tshepetšo ya pale. SARS ga e na kgatlhego ya go šitiša kgolo ya ekonomi goba go kgathatema go mathata a kabelo ya tlhokego ya mešomo, bohloki le hlokego ya tekatekano.”

Khomišinare o ipeleditše go balefela motšhelo le bagwebi go obamela boitlamo bja bona bja metšhelo le Khasetomo. O galletše gore SSRS e ka se dikadike go tšea magato a bogale go kgonthiša gore go se obamele go a thatafaletšwa gape go lefišwa dikotlo tša godimo go baoba dirago ka boomo le ka maikemišetšo a go e obamele boitlamo bja bona. Boipiletšo go balefela motšhelo le bagwebi ka moka ke: “go obamela goba go lebana le ditlamorago”.

Go hwetša tshedimošo enngwe, ka kgopelo ikgokaganye le, SARSMedia@sars.gov.za